



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Ad vespervas. Exercit. 89.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

MANUALE
AD VESPERAS.

Exercit. 89.

Ioann 19. Iudei ergo quoniam Parasceue erat, vt non remaneret in cruce corpora Sabbatho (erat enim magnus dies ille Sabbathi) rogauerunt Pilatum, vt frangerentur eorum crura & tollerentur. Venerunt ergo milites & primi quidem fregerunt crura, & alterius qui crucifixus est cum eo: ad Iesum autem cum venissent, vt viderunt eum iam mortuum, non fregerunt eius crura, sed vnus militum lancea latus eius aperuit, & continuo exiuit sanguis & aqua. Cum autem sero factum esset, venit quidam homo diues ab Arimathia, nomine Ioseph, qui & ipse discipulus erat Iesu. Hic accessit ad Pilatum, & petijt corpus Iesu. Tunc Pilatus iussit ei reddi.

Consideratio.

CONsiderabimus mysteria: quae post Christi in cruce expirationem gesta fuerunt: videlicet, quomodo eum de cruce deposuerint: Considerabimus etiam lotionem pedum & institutionem sanctissimi

Eu-

Eucharistiæ Sacramenti, quæ circa horam vespertinam facta fuere.

Gratiarum actio.

GRatias agemus Deo, pro beneficio inspirationum quibus nos assidue visitat, excitans nos & vocans ante Solis occasum, ut dum dies est perfectè ad ipsum conuertamur & animas nostras virtutum & meritorum thesauris locupletare studeamus:

Confusio.

ERubescemus quod tam sæpe ad diuinas inspirationes surdi fuerimus, easque dissimulauerimus: atque inimici suggestiones, carnisque appetitus, potius secuti fuerimus.

Petitio.

Petemus à Deo veram spiritus paupertatem, ut, quandoquidem omnia præsentis vitæ bona caduca sunt & celeriter transeunt, cor nostrum non illis, sed in solo Deo, qui semper manet, ac thesaurus incomparabilis animarum ipsum amantium est, constituamus.

Oblatio.

EAdem est, quæ in exercitio ad
Matutinas.

AD COMPLETORIVM.

Exercitium 90.

Ioan. 19. Acceperunt ergo corpus Iesu, & li-
gauerunt linteis cum aromatibus, sicut
mos est Iudæis sepelire. Erat autem in lo-
co ubi crucifixus est hortus, & in horto
monumentum n. uū, in quo nōdum quis-
quam positus fuerat, ibi ergo propter Pa-
rasceuen Iudæorum quia iuxta erat mo-
numentum posuerunt Iesum.

Consideratio.

Considerabimus, quomodo Chri-
stus sepulture traditus fuerit: ma-
tris & Apostolorum solitudinē: plā-
ctumque quo Christum, cum sanctis
illis mulieribus, quæ illum viden-
tem secutæ fuerant, deflenerunt.

Gratiarum actio.

Gratias referemus Deo: pro bene-
ficijs particularibus, quæ nos ab
illo percepisse, & quotidie percipere
senserimus, præter generalia illa,
quæ omnibus communia sunt.

Con-